



Feliciter, Nuptiis Humanissimi Viri, Dn. Caspari Ludovici Albrecht
Conrectoris Scholae Arnstadianae, Cum Virgine integerrima Veronica,
Reverendi & Clarißimi Pauli Heldii ... filiâ lectissimâ, celebratis Arnstadii,
acclamatum Anno 1621. d. 17. April.


Halae-Saxonum

P 2° 00143 (01,215)

https://dhb.thulb.uni-jena.de/receive/ufb_cbu_00008566

urn:nbn:de:urmel-fca5b8ec-7ea3-4f4f-a2e4-7efbb7e32cc1-000078210

Lizenz: <https://creativecommons.org/licenses/by-sa/4.0/>



FELICITER,

Nuptiis Humanissimi Viri

DN. CASPARI LUDOVICI AL-

BRECHT Conrectoris Scholæ Arnstadianæ,

Cum Virgine integerrimâ

VERONICA,

Reverendi & Clarissimi

PAULI HELDII, Superintendentis olim Arnstadiensium desideratissi-
mi, τὸ ἐν ἀγίοις, filiâ lectissimâ, celebratis Arnstadii, acclamatum

Anno 1621. d. 17. April.

Ad Sponsos novellos dilectissimos:



Quod fuit in votis, oculis vos possetueri,
Et bona felici dicere verba toro,
Non fuit in fati, varii impedire labores,
Et vetuit tantum miles iniquus iter.
Ergo aliis pedibus vestram proficiscor ad urbem,
Et paucis elegis omni fausta precor.
Quàm mallet, quem non oculorum his orbibus unquam
Conspexi, affinem posse videre novum!
Sponsa mihi JENÆ, sed tristi turbine rerum
Visa fuit, patrio quippè remota solo.
Vix ea tres menses teneri transegerat ævi,
Cum fuit exilium cum patre iussa pati.
Namq; Carinthiacistum pellebantur ab oris,
Qui non jurabant in sacra verba Papæ.
Quam status infelix! infantula fortè trimestris,
Exulat, & tantum flebilis errat iter.
ARNSTADII rursum, simili tamen ulcere visa est,
Nam viduata suo tum genitore fuit,
Cur igitur lætam faciem, mutataque rerum
Pondera non videam, cui mala visa prius!
Sed benè; Sum præsens animis, sum Carmine præsens,
Sum præsens precibus, quas ita mitto, piis:
SIT VOBIS THALAMUS CUNCTORUM PAUSA MALORUM,
SIT, PRECOR, OMNIGENI JANUA PRIMA BONI.

à D. Paulo Röbero Conc. Aul. Hal.
Sponsæ Consohrino.

ALIUD.

V Er tibi dat verè verum CASPARE liquorem,
Inseriturq; hortu planta novella tuo;
VERONICÆ nota est virtus, medicina paratur
Optima, quæ morbos damnaq; multa levat.
Hæc tibi VERONICE, CASPARE medebitur, hæc hæc
Rebus in adversis dulce levamen erit.
Ergo DEO pro tam generoso germine grates
Funde novas, lætâ & júbila tolle manu.
HEROIS LUDOVICE tuis nunc insunt ulnis,
Tu quoq; sis HEROS per bona perq; mala.
Ipse quid adyciam? Calidum nisi pectore votum,
Vobis ut clemens adsit ubiq; DEUS,
Adsit hic auspiciis sponso Sponsæq; benignis,
Adsit in æternum numine, JOVA, suo.

David Helbt sponsæ frater Stud. Lips.

HALÆ SAXONUM, Typis PETRI FABRI,